



Broj: 01-173-1/25  
Sarajevo, 21. 2. 2025. godine

Na osnovu člana 138. Zakona o visokom obrazovanju Kantona Sarajevo („Službene novine Kantona Sarajevo“ broj: 36/22), člana 219. Statuta Univerziteta u Sarajevu, broj: 01-14-35-1/23 od 26. 7. 2023. godine, člana 65. Pravilnika o radu Univerziteta u Sarajevu broj 02-2-4-1/24 od 30. 1. 2024. godine, Vijeće Univerziteta u Sarajevu - Pravnog fakulteta je, na 80. vanrednoj (elektronskoj) sjednici, održanoj dana 21. 2. 2025. godine, donijelo *sljedeću*

## ODLUKU

### I

**Odobrava se** Sevleti Halilović, mr. iur., asistentici na naučnoj oblasti Međunarodno privatno pravo, plaćeno odsustvo sa Fakulteta u periodu od 24. 2. 2025. godine do 24. 3. 2025. godine, radi obavljanja istraživačkog boravka na Karl-Franzens Univerzitetu u Grazu (Austrija).

### II

Za vrijeme odobrenog plaćenog odsustva imenovanoj će se isplatiti naknada plaće u skladu sa važećim propisima.

## O b r a z l o ž e n j e

Katedra građanskog prava je dana 18. 2. 2025. godine podnijela zahtjev br. 01-173/25 za plaćeno odsustvo radi obavljanja istraživačkog boravka, asistentici Sevleti Halilović mr. iur..

Odredbom člana 138. Zakon o visokom obrazovanju Kantona Sarajevo („Službene novine Kantona Sarajevo“ broj: 36/22) je propisano da u skladu s iskazanom nastavnom potrebom, visokoškolska ustanova može odobriti akademskom osoblju plaćeno odsustvo u trajanju do dva semestra, odnosno do četiri semestra neplaćenog odsustva uz mirovanje radnog statusa, a radi izrade magistarskog ili doktorskog rada, naučnog, umjetničkog ili stručnog usavršavanja ili obavljanja aktivnosti od posebnog interesa za visokoškolsku ustanovu/članicu, što se preciznije uređuje statutom visokoškolske ustanove.

Odredbom člana 219. Statuta Univerziteta u Sarajevu propisano je akademsko i naučnoistraživačko osoblje ima pravo na plaćeno odsustvo radi usavršavanja, te razmjene sa drugim visokoškolskim/naučnim ustanovama, da se njihova prava precizno reguliraju općim aktom Univerziteta, a da je za vrijeme odsustva člana akademskog osoblja članica obavezna organizirati kontinuirano odvijanje nastave i izvršavanje drugih nastavnih obaveza adekvatnom zamjenom odsutnog člana akademskog osoblja.

Odredbom člana 65. Pravilnika o radu Univerziteta u Sarajevu propisano je da radnik iz kategorije akademskog i naučnoistraživačkog osoblja ima pravo i na plaćeno odsustvo duže od 7 (sedam) radnih dana za vrijeme obrazovanja, stručnog osposobljavanja i usavršavanja iz člana 43. ovog Pravilnika u trajanju do četiri semestra, odnosno dvije godine, o čemu odluku donosi vijeće.



Imenovanoj će se, za period plaćenog odsustva isplatiti plaća u iznosu utvrđenom važećim propisima Kantona Sarajeva te propisima Univerziteta u Sarajevu dok se naknada za topli obrok i prevoz, shodno Kolektivnom ugovoru za djelatnost visokog obrazovanja i nauke na Univerzitetu u Sarajevu, neće isplaćivati.

U skladu sa navedenim odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se izjaviti prigovor Upravnom odboru Univerziteta u Sarajevu u roku od 15 dana od dana dostavljanje Odluke.

**DEKANICA**

**Prof. dr. Zinka Grbo**

Akt obradi i kontrolisao: Haris Starhonić BA iur., sekretar Fakulteta

Akt odobrila: prof. dr. Zinka Grbo, dekanica Fakulteta

**DOSTAVITI:**

- Imenovanoj
- Služba računovodstva i finansija
- a/a

Sekretar Univerziteta u Sarajevu-Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu-Pravnog fakulteta nadležno za donošenje odluke shodno članu 69. Zakona o visokom obrazovanju („Službene novine Kantona Sarajevo“, broj 36/22).



Broj: 01-117-1/25  
Sarajevo, 21. 2. 2025. godine

Na osnovu člana 69. Zakona o visokom obrazovanju KS („Službene novine KS“, br. 36/22) i člana 111. Statuta Univerziteta u Sarajevu, broj: 01-14-35-1/23 od 26. 7. 2023. godine, a na prijedlog prodekana za međunarodnu saradnju br. 01-117/25 od 3. 2. 2025. godine, Vijeće Univerziteta u Sarajevu - Pravnog fakulteta je, na 80. vanrednoj (elektronskoj) sjednici održanoj dana 21. 2. 2025. godine, donijelo *sljedeću*

## ODLUKU

### I

**Philomene Touvier**, studentici (doktorantici) na Ecole doctorale de droit compare Univerzitetu Pariz I Pantheon Sorbonne, odobrava se produženje istraživačkog boravka i tokom ljetnog semestra akademske 2024/2025. godine (od 3. 3. do 13. 6. 2025. godine) u statusu studentice koja sudjeluje u mobilnosti izvan okvira programa mobilnosti ili međuinstitucijskog sporazuma (free mover).

### II

Odluka stupa na snagu danom donošenja

## O b r a z l o ž e n j e

Na LXI (elektronskoj) sjednici Vijeća Univerziteta u Sarajevu - Pravnog fakulteta, održanoj 3. 4. 2024. godin,e donijeta je Odluka broj: 01-455-1/24, kojom se Philomene Touvier, studentici (doktorantici) doktorantici na Ecole doctorale de droit compare Sveučilišta Pariz I Pantheon Sorbonne, odobrava istraživački boravak u zimskom semestru akademske 2024/2025. godine.

Dana 3. 2. 2025. godine Vijeću Univerziteta u Sarajevu - Pravnog fakulteta, od strane prodekana za međunarodnu saradnju, doc. dr. Mirze Hebiba, dostavljen je Prijedlog za produženje istraživačkog boravka koja sudjeluje u mobilnosti izvan okvira programa mobilnosti ili međuinstitucijskog sporazuma (free mover), studentici iz stava I odluke, protokoliran pod brojem: 01-117/25 (dalje: Prijedlog).

U Prijedlogu se navodi da se studentica obratila prodekanu za međunarodnu saradnju sa zamolbom da joj se istraživački boravak produži i tokom ljetnog semestra 2024/2025 godine uzimajući u obzir da nije finalizirala istraživanja koja provodi na Ustavnom sudu Bosne i Hercegovine i Univerzitetu u Sarajevu – Pravnom fakultetu te da je studentica od matičnog Univerziteta pribavila potrebne suglasnosti za nastavak istraživanja i boravka.

Shodno naprijed navedenom donesena je odluka kao u dispozitivu.

**DEKANICA**

  
**Prof. dr. Zinka Grbo**



Akt obradio i kontrolisao: Haris Starhonić, BA iur., sekretar Fakulteta 

DOSTAVITI:

- Imenovanoj putem prodekana za međunarodnu saradnju
- arhiva

**Univerzitet u Sarajevu – Pravni fakultet** – Obala Kulina bana 7, 71000 Sarajevo - Bosna i Hercegovina

Telefon: +387 (0)33 206-350 (centrala); +387 (0)33 206-355 (fax)

www.pfsa.unsa.ba

